

Mientras gremionan no ta reacciona y ta mantene silencio

Exigencia Raoul pa kibra autoridad Banco Central aproba?

* Nilo Swaen mester asumi responsabilidad y duna splicacion

*Hopi comerciante ta mira nan negoshi na peligro

ORANJESTAD(AAN) Manera e relato di Banco Central pa 2006 a muestra, Banco Central tin e autoridad pa dicidi di limita credito cu un banco por duna. Segun e plan Raoul pa Caya Grandi, e decisionnan di Banco Central no por mishi cu Caya Grandi. Mientras Gobierno, esun cu a permiti e proyecto for di November y no a bisa Raoul di biaha cu no por, ta usa Raoul como nan frente pa nan mantene silencio, comerciantenan cu ta acerca DIARIO ta bisa cu Nilo Swaen mester bisa kico ta bay pasa. Si autoridad di Banco Central no ta conta pa Raoul, e lo pone negoshi di hopi comerciante na peligro. Mientras gremionan tambe ta mantene silencio, den comercio mes e proyecto aki a bira uno di hopi preocupacion pa comercio en general na Aruba.

Na promer lugar ta un imagen hopi malo di comercio ta worde crea. Di ripiente Pueblo ta worde confronta cu un proyecto, cu ta crea e impresion cu tur comerciante por ta en busca di fabornan y no interes di e pais. Esaki ta parti di e preocupacion di mayoria di

comercio, cu ta hende drechi, cu a bisa cu te awor e proyectonan di Marisol, e asunto di Namdar, tabata laga e loke te awor ta yama favoritismo oficialmente, pero por haya un nomber mas pisa, reserva pa cierto grupito.

E proyecto di Raoul, sinembargo, y e forma cu el a worde defende, a trece cune cu e imagen di comercio na Aruba ta sufri daño, mas ainda debi na e hecho cu na mes tempo Bingohal a drenta den panorama di relacion directo entre fabor di Gobierno y comercio.

Mientras hopi comerciante tin problema cu loke ta pasa, nan preocupacion ta basa ariba e hecho cu e Plan Raoul ta mishi directamente cu comerciantenan cu no ta parti di e plan. Pesey nan ta haya cu a bira tempo pa Gobierno

stop di sconde y bin dilanti pa bisa kico a pasa cu e exigencianan di e grupo di Raoul.

Uno di esnan cu mas ta amenaza tur otro comerciante, ta e hecho cu autoridad di Banco Central pa loke ta trata e linea di credito, lo no por worde aplica pa Raoul. Esaki ta pone cu e grupo Raoul ta haya oportunidad di bira competidor pisa pa tur comerciante, pasobra e si por sigui haya prestamo manera e kier pa su territorio, mientras e medida aki ta afecta comercio directamente.

Segun e comerciantenan, creciente den cantidad, cu ta acerca DIARIO, e resultado di un reglamento cu ta limita e linea di credito tin como consecuencia cu pasobra un hende no por haya fianza, e

no por haci cierto compra, loke ta afecta comercio.

Pa e comerciante mes e ta nifica cu e comerciante no por haya e placanan cu e mester di banco, cu ta mara na restricción pa loke ta dunamento di credito. Den practica esey ta nifica, cu e comerciante tin un limitacion den e placa cu e por haya di banco pa por amplia su negoshi y hasta usa pa su negoshi.

Si e grupo di Raoul si por haya trato preferencial y autoridad di Banco Central no ta conta pa nan, esey por bay a costo di e otro comerciantenan, pasobra si Banco Central dicta restricción sea Banco Central mester laga e restricción cay pasobra legalmente no ta permiti pa haci excepcion ariba e regla aki. Si Banco Central perde e autoridad

aki, e no por hiba e maneho adecuado pa Florin, cu mas ainda confronta cu inflacion, por ta na peligro.

Si Gobierno impone cu Banco Central mester haci excepcion ariba su reglanan pa Raoul, esey ta haci cu Banco Central por dicidi cu e altura cu e pone pa banconan ta manteni, pero den e caso aki si Raoul por usa mas cu otro comerciantenan, e otro comerciantenan ta den problema grandi.

"Ki dia Nilo Swaen ta declara cu no mester preocupa pasobra for di promer momento el a bari e exigencia aki for di mesa?" un comerciante preocupa a puntra DIARIO.

E plan Raoul pa hopi comerciante ta algo sumamente preocupante y ta bira tempo pa Gobierno bisa kico tin su tras.

DESPERACION TOTAL!!



BEST DEAL

Tel: 5827100

(Pariba di Aruba Bank, Paradera)

Hopi sorto di
Calculator
cuminsando
for di Afl.6,95

